

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LIV.

[urn:nbn:de:bsz:31-122751](#)

ris, morum & vitæ honestatis, singularis denique in tractanda juventute dexteritatis, tamen quia uxorem meam affinitate aliqua attrigit, consobrina enim ejus noverca est Mummii, malim tuam etiam autoritatem apud Dn. Doct. Schoppetum intervenire. Quia igitur spero te ipsum quoque de M. Mummo bene sentire, majorem in modum te oro, ut ipsum D. Doct. Schoppero diligenter commendas. Sed epistolam sub vesperam paratam esse oportebit, quia cras summo manè discedet tabellarius. Bene in Christo Servatore cum omnibus tuis vale. Argentorato, 14. Junii,

1596.

Rev. Dign. tua

studiosiss.

Joh. Pappus, D.



LIV.

Salutem in Christo Iesu, Domino & Servatore nostro Unico.

Reddidit mihi tuas, Reverende & Clarissime Domine Doctor, amice ac frater plurimum honorande, literas, ornatussumus juvenis, Dominus M. Ludovicus Episcopus, quem ad nos sese conferentem, diligenter ac prolixè mihi commendasti, atque ut meo calculo & voto ipse adsim, ut vel ad officium publicum promoveatur, vel liberalius ei subsidiis decernatur, rogasti.

Quamvis nec occasio idonea & commoda, ipsum hoc tempore promovendi, obvenerit, nec eam, quam speraveram, additionem, ipsi impetrare potuerim (cum Dominis nostris iis pactionibus, quibus ii tenentur, quos stipendio afficiunt, obligatus non sit) tamen spero, ipsum non obscuris argumentis deprehendere possem, tuam commendationem apud me multum ponderis habuisse. Quod si aliquando à nobis revocatus fuerit, ampla fortassis ad opitulandum dabitur commoditas.

Refutat Cyriacus Spangenbergius analysin Lutheri, à Pistorio, alastore, infami apostata & impudenti scurrâ adornatam, securus eundem, quod sine dubio nosti, D. Samuel Huberis. Quamvis verò ego laborem illorum non tantum non reprehendam, sed etiam commendem, tamen vehementer metuo, ut causa gravitati respondeat. Quia autem Pontificii, Dominum Doctorem Pappum, Vicum Clarissimum, non levem existimationis jacturam fecisse Emmentingæ gloriantur, & periculum est, ne Pistorius serpentinis gyris animum Ernesti Fridericici, Marchionis Badensis vel tandem expugnet, idque tanto magis, quia Pontificii nihil prætermittunt, quo in duas partes eum pertrahere possint, maximè dum spem ei faciunt, quieta in possessione remendi Marchionatum Badensem, quem nuper Eduardo Fortunato vi & armis ade-

mit.

A. 1596.

P A R S S E X T A .

763

mit, si in castra Pontificia sit transitus, te operæ pretium facturum arbitror, si labore illum in te reciperes.

Rothiorum mater, ob quas causas Paulum filiorum maximum natu, studiorum suorum cursum quam citissime absolvere exoptet, M. Ludovicus tibi pluribus referet.

DEUS Optimus Maximus te ad nominis sui gloriam, & Ecclesiæ utilitatem, cum aliis Ecclesiæ columnis, quam diutissime servet incolumem. Datum Ulmæ, 23. Iulii, Anno 96.

R. D. T.

Studioſissimus

Johannes Wefenbeccius, D.

L V.

S. D. Reverende & clarissime vir, frater carissime.

Gratiam tibi habeo, quod amanter respondere dignatus es. Poloniæ Regis Legati, circa Pascha in Sueciam hoc transierunt, conjugium Episcopi vestri, cum Poloniæ & Sueciæ Regis sorore confecturi. Sed ad nos nondum redierunt. Interea Reuberus vester in Daniâ fuit; ubi ad coronationem hoc mense exeunte peragendam, magni apparatus sunt. Transituros se per hanc urbem significarunt Administrator Magdeburgensis, & Christianus adolescens: ambo Electoris Brandenburgensis filii. Saxoniæ Administrator splendidæ legationi à se mittendæ, naves à nostro Senatu ad 1. Augusti apparari petivit. Meus Princeps Ulricus, quanquam avus regis maternus est, tamen ætatis & valetudinis excusatione usus, domi manet. Poloniæ Rex cum per literas tantum & non per legatos invitatus sit, legatos nullos missurus dicitur. Præmisit autem equos aliquot generosos, Regi exhibendos, per nobilem equisonem. Sed has ineptias relinquo, & DEUM ut ipse nos doceat gubernet ac servet oro. Bene vale. Die Sixti, 6. Augusti, Anno 1596.

David Chytraeus.

L VI.

S. D. Reverende & Clarissime Domine Doctor, frater carissime.

Etsi duos jam menses, animo & corpore æger, decumbo, tamen oblata tabellarii isthuc euntis facultate, brevi epistolio te salutare, & pagellas ali-

Ddd dd 2

quot